

醫圖壘元戎

			一	漢書門
			二	
			三	
			四	
			五	
			六	
			七	
			八	
			九	
			十	
冊	架	函	號	類

內閣文庫			
漢	一	二	三
書	四	五	六
類	七	八	九
架	十	函	冊

內閣文庫			
番號	漢	12423	
冊數	12 (3)		
函號	300	217	

二




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM Kodak





醫壘元成卷第二



明醫察御史東萊桂亭蔡不命梓

趙州教授進之正好
兩淮運同四明屠本峻重刊
兩淮運副姚江嚴昌世校正

太陽證

太陽流注陽明故葛根次服

仲景葛根湯

主治脩製並見活人二方同

葛根加半夏湯

葛根黃芩黃連湯

葛根升麻湯

錢氏用治小兒痲疹傷寒

葛根

升麻

芍藥

甘草

海藏云活人言頭疼如破者連鬚葱白湯次又不
已者葛根升麻湯恐太陽流入陽明斷其路故以
此湯主之地黃湯內加犀角以升麻代之是知陽
明藥非太陽藥也人或初病太陽證便與葛根升
麻湯是遺太陽不惟遺經及引太陽邪氣入於陽
明不能解也其變可勝言哉

活人葱白例

此例當在前麻黃葛
根葱豉湯四味條下

連鬚葱白湯

治傷寒發汗已
未頭疼欲破者

葱白

連鬚
半斤

生薑

二兩

右以水二升煮取一升去滓分二三服此藥不差
者服葛根葱白湯

葛根葱白湯

葛根

葱白

生薑

芍藥

川芎

知母

右剉水三升煎一升去滓分二服

七味葱白湯

許仁云傷寒或因氣勞或因食勞其病如強力持
虛行步而發者力勞也

葱白 連鬚

葛根

鹽豉

生薑

麥門冬

乾地黄

滂水

一均揚之無數

右七味滂水煎三分去二去滓分作二服覆首出

汗

王朝奉方 活人葱白例並出金匱祖方

葱薑湯

治妊娠傷寒

葱白

十莖

生薑

三片切

右二味以水三升煮取一升分作三服取汗為度

又葱豉湯

葱白

二兩半

豉

半斤

右以水三升煮取一升分作二服取汗為度

又葱白一物湯

葱白

二把

又葛根一物飲子

右以水一升煮熟服取汗食盡亦主安胎若胎灰

須臾即出

葛根汁每服一小盞如人行五里地道一服若無

生葛乾葛咬咀煮濃汁服至于升麻梔子前胡知

母黃芩杏仁六味共七物內加葱白三兩薑煎去

滓服

普救散

治小兒傷寒

乾葛

炒半斤

甘草

炒赤四兩

蒼朮

一升泔浸煌

右麤末每服二大錢水一鍾煎至七分去滓熱服

百解散

升麻湯

六兩

蒼朮

四兩

菖蒲

一兩

右同為末水煎服

又百解散

治太陽陽明合病

麻黃

荆芥

石膏

川芎

蒼朮

甘草

又百解散

治證同前

麻黃

菖蒲

蒼朮

甘草

不臥散

蒼朮

半兩

甘草

一兩

菖蒲

三錢

右以水同生薑棗煎服

蕩邪散

藁本

蒼朮

甘草

等分

右以水一盞煎服之

和解散

蒼朮半斤製

藁本

桔梗微炒

厚朴製各二兩

陳皮去白

甘草炙各四兩

右為麤末每服三錢水一大盞生薑三片棗一枚

去滓服

易簡王氏生料五積散

治感冒風寒肩背拘急發熱頭疼或為寒所搏二
身凜然急用此藥如服養胃湯法以被覆汗出即

愈

蒼朮

桔梗

枳殼

麻黃

陳皮各六錢

白芷

川芎

當歸

甘草

官桂

半夏

白芍

茯苓各二錢

乾薑

厚朴各四錢

右以水一盞煎服四錢水一盞半生薑三片葱白一根
煎至六分去滓食前熱服尋常被風寒濕氣交互
為病頸項強直或半身偏疼或麻痺但服此藥加
麝香末少許煎服自能平治婦人經候不調心腹

撮痛或閉塞不通加醋一合煎服 產後催生及胎死腹中亦如前法能飲者更加酒半盞 產後發熱及往來寒熱不問感冒風寒及惡露為患均可治療腹中血塊尤宜熱醋調服 傷寒手足逆冷面青嘔吐宜加附子 或疰癧癥瘕膀胱小腸氣痛加炒茱萸半錢鹽少許 脚氣加茱萸木瓜大便秘者加大黃 脚氣下注焮然赤腫者以大便秘者加大黃 脚氣初發增寒壯熱者亦宜此藥便流利為度 又一方治渾身瘡疥膿血水淋瀝經時不利之 又一方治渾身瘡疥膿血水淋瀝經時不利之

愈加升麻大黃各升麻和氣飲 蓋瘡癬為患多因內有所蘊發在皮膚若只傳以藥何由得愈不若以此藥滌之若寒濕之氣注下作瘡瘡愈則毒氣入腹為害不淺此藥尤妙若有熱證則以敗毒飲亦加大黃煎服

海藏五積論

麻黃桂芍藥甘草即麻黃桂枝各半湯也蒼朮甘草陳皮厚朴即平胃 枳殼桔梗陳皮茯苓半夏即枳梗半夏等湯也 又川芎當歸湯治血 又加

乾薑為厚朴散 右此數藥相合為解表溫中泄熱之劑去疾消痞調經之方雖為內寒外感表裏之分所制實非仲景表裏麻黃桂枝薑附之的方也至於冷積嘔吐泄痢癥瘕時疾疫氣項背拘急加葱白豆豉厥逆加吳茱萸寒熱咳逆加棗婦人難產加醋始知用之非一途也惟知活法者擇之仲景五苓散

治太陽病後汗後大汗出胃中乾煩燥不得眠欲得飲水者少少與之令胃氣和則愈若脉浮小便

不利微熱消渴者與五苓生之

猪苓 十八銖 去皮

澤瀉 一兩 銖

茯苓 十八銖

桂 半兩 去浮皮

白朮 十八銖

右五味為末以白米飲調服方寸匕日三服多飲暖水汗出即愈 胃弱小便少亦宜少減二苓澤瀉加白朮桂便以生薑之類 若水停心下煎生薑三錢或半夏入煎濃調服五苓散秤三錢或半兩亦可 太陽標病傳入標之本發渴溺不利以此散導之邪自膀胱而出也若未渴妄用五苓散

反引邪氣入裏而不能解也故易老云卽太陽經之一藥也若傷寒太陽脉緊而渴者不宜用此陽明證後有仲景五苓散一條甘露飲枳木湯梅師方一以其消痞去水故入陽明例 飲酒而泄瀉者脾胃受濕也何以知之仲景厥而心下悸者宜先治水當服茯苓甘草湯却治其厥不爾水漬入胃必作利也故飲而瀉者五苓散甘露飲子神効飲酒若過度必作利者裏急後重者溫熱之毒浸漬腸胃也當作別治 甘露飲卽五苓散去猪

苓加石膏寒水石滑石甘草是也 並用濃煎生薑湯調服食前其所加三石臨時視病寒熱輕重多少隨宜用之

痙濕暍三證

傷寒頸強急身體反張屬太陽先因傷風又感寒濕而致然也古人謂之痙病又作痙痙者強直也古人以強直爲痙外證發熱惡寒與傷寒相似其脉沉遲弦細而項背反張強硬如發癩之狀此爲異耳新產血多汗出中風亦有此證當察具有汗無

汗以分剛柔二瘧無汗惡寒名爲剛瘧有汗不惡寒名爲柔瘧無汗者葛根湯主之有汗者桂枝加葛根湯主之 分剛柔二瘧加減小續命主之審之剛瘧腦滿口噤不卧著席脚攣急咬齒大承氣湯下之加羌活尤妙外臺祕要云熱而瘧者死熱病瘧者反折瘳瘳齒斷噤也剛柔二瘧與陰陽二瘧何如 瘧亦作瘳陽瘳屬剛瘳陰瘳屬柔瘳以附子散桂心白木湯附子防風散八物白木散可選數藥用之

附子散

治傷寒手足逆冷筋脉拘急汗出不止頭強搖頭口噤

桂心 二錢 附子 一兩 白木 一兩 川芎 二錢

獨活 半兩

右各咬咀每服三錢水一鍾棗一枚同煎至五分

去滓温服

桂心白木湯

治傷寒陰瘳手足厥冷筋脉拘急汗出不止

白朮 防風 甘草 桂心

附子 川芎 各等分

右剉如麻豆大水五盞薑五片棗一枚同煎七分去滓溫服

附子防風散

治傷寒陰瘕閉目合面手足厥逆筋脉拘急汗出不止

白朮 防風 甘草 桂心 附子

乾薑 柴胡 茯苓 五味子

右呿咀每服三錢水一盞生薑四片煎至七分去滓溫服無時

八物白朮散

治傷寒陰瘕三日不差手足厥冷筋脉緊急汗不出陰氣內傷

白朮 茯苓 桂心 麻黃

羌活 良薑 附子 五味子

右呿咀每服四錢水一大鍾薑五片同煎至五分去滓溫服無時無論有汗無汗藥并下藥中總加

羌活

王朝奉剛柔二症三藥

金匱括萋桂枝湯 有汗者弱也屬陰

太陽證其證備身體強兀兀然脉沉遲為症

括萋根 三兩 桔梗 去浮皮三兩 芍藥 三兩 甘草 炙二兩

每服五錢水二小盞薑七片棗二枚煎至一盞去

滓服汗不出食頃啜熱粥以發之

桂枝加葛根括萋湯 治症如前

桂枝 各一兩 芍藥 各一兩 甘草 各一兩 葛根

括萋根 各二錢半

右呔咀每服五錢水二盞薑五片棗二枚煎至一

盞去滓服

金匱葛根湯 無汗者剛也屬陽

太陽病無汗而小便少反氣上衝胞口噤不得語

欲作剛症

葛根 四兩 麻黃 三兩去節 桂枝 二兩去皮 甘草 炙二兩

生薑 三兩切 芍藥 三兩 大棗 二十枚

右呔咀水一斗先煮麻黃葛根一二沸去上沫內

諸藥煮取三升去滓溫服取微汗王朝奉云芍藥二兩

活人舉敗散

治新產血虛症者

右以荆芥穗不以多少微炒為細末好酒調五錢服之

或云仲景瘧病無藥今王朝奉治瘧葛根湯即桂枝湯內加葛根麻黃是也治後有金匱芍藥三兩一句即是仲景有本方也叔和編次仲景言證而無藥金匱以有也活人百合證數藥以為活人藥而

不知本草所載皆金匱方當知仲景有本方矣金匱玉函即仲景之管稱也金匱要略亦出玉函故朝奉但言金匱處便為仲景方也故文潞公輩皆稱仲景為羣方之祖蓋本此也

海藏瘧濕喝別法

神木湯

治風濕惡寒脈緊

蒼朮

防風

甘草

右以咀葱白煎去滓服

解利無汗治剛瘧加羌活獨活麻

白木湯

治風濕惡寒脉緩

白朮

防風

甘草

右咬咀生薑煎去滓服

解利有汗治柔痙加 桂心 黃耆 白朮

太陽陽明加川芎荆芥穗 正陽陽明加羌活酒大

黃 少陽陽明加防風柴胡 熱而在表者加黃

芩 寒而在表者加桂枝黃芪附子熱而在裏者

加大黃 寒而在裏者加乾薑良薑附子以上數

經寒熱當以脉別之

汗少者加蒼朮

陽濡而弱濕溫也

先傷濕 後傷暑

脉虛名曰重暈

汗多者加白虎桂枝

陰小而急

先傷寒 後傷熱

身熱脉虛 自汗惡寒 中暑也

白虎加桂湯

身熱脉浮 自汗欲睡 風濕也

白朮防已湯

先傷風 後傷熱

先飲冷後傷暑五苓散主之此必心下痞也濃煎生薑湯調服或四君子湯調中湯亦可若中和後或小便不利或莖中痛以蒲黃三錢滑石五錢甘草一錢爲細末熱水調送金華丸三五十九 太陽中熱者暍病也 中暑亦暍病也太熱中熱發熱惡寒身重反痛脉弦細乳遲小便洒洒然毛聳少

有勞忽然身熱口開齒燥此有三忌 忌發汗 一 忌溫針 二 忌大下 三 若犯此三忌則有三甚 發汗惡寒愈甚 一 濕針發熱愈甚 二 大下小便

淋甚三

問弦細乳遲當用何藥答曰海藏黃耆湯主之

海藏黃耆湯

人參 黃耆 白朮 茯苓

芍藥 甘草 各等分

右以咀每服三錢水一大盞生薑三片煎至六分去滓溫服

東垣李明之先生云如治風先浸防風二兩次煎餘藥與同例

醫聖元方卷之二
蒼木不以多少泔浸透刮去皮切作片子晒乾每
服四兩水三大碗煎至二大盞去滓煎用下項藥
白朮 白朮 白朮 黃耆 白芍
右四味各等分細剉每服一兩以蒼木水煎至一
盞去滓溫服食遠可用若三焦氣弱中土不能營
飲食心下痞內外三焦之氣絕也 當先浸黃耆
二兩水二碗煎至一碗再煎正藥黃耆湯一大服
用接內外三焦元氣同東垣先生法
上浸蒼木煎藥燥濕也下浸黃耆煎藥接氣也

易簡白朮湯

治小兒洩泄胃熱煩渴不問陰陽並宜服之

人參 白朮 朮香 茯苓

甘草 黃耆 各兩 乾葛 二兩

右以咀每服二錢水一盞煎至半盞量大小與服
仍用香連丸間之渴欲飲水者時時煎服任意飲
之彌多彌佳 白朮湯一方治嘔吐白朮人參各
一兩半夏一兩半茯苓甘草乾薑各半兩薑煎服
錢氏謂小兒吐瀉當溫補之每用理中丸以溫其

中五苓散以導其逆連進數服兼用四君子湯加
陳皮調之若已虛損用金液丹雜以青州白丸子
爲末米飲調服多服乃効若吐瀉之後發熱必作
驚風二藥服之累有神効 若胃氣已生則旋減
金液丹却以異功散等藥徐徐調之 若食不消
脾胃虛寒嘔吐惡心者當服益黃散用陳皮半夏
青皮訶子肉甘草各一分丁香一錢量大小煎服
小兒暑月吐瀉其證不一宜詳審用之不可差謬
有伏暑者小便必不利宜五苓散香茹散 有傷

食者其吐并糞必酸臭氣宜服感應丸 有虛冷
者泄瀉必多宜以六神湯加附子服之用人參茯
苓山藥白朮扁豆甘草等分薑棗煎服風證加天
麻痢加罌粟殼 吐瀉初定當以天南星爲末每
服加冬瓜子仁七粒煎服以防變痢 若瀉色青
當用驚藥小兒之病與大人無異用藥亦同量力
用之 惟風氣臍風夜啼重舌變蒸客忤驚癇解
顱脹病疳氣不行數證錢氏方甚詳

消暑丹

半夏 一斤
茯苓 半斤
甘草 生半斤

右以醋五升煮半夏蓋醋斂乾薑汁作糊無見生水為丸每服五十九丸熱水嚥下精意脩治用之極效 中暑為患藥下即甦 傷暑發熱頭疼服尤妙 夏月常服止渴利小便雖飲水多亦不為害 應是暑藥皆不及此 若痰飲停節並用生薑湯下入夏之後不可缺此

霍亂證夫嘔吐而利者霍亂也三焦者水穀之道路邪在上焦者則吐而不利邪在下焦者則利而不

吐邪在中焦既吐則利以飲食不節冷熱不調清濁相干陰陽乖隔遂成霍亂揮霍撩亂重也吐利而已輕也霍亂吐瀉者風濕暍外至生冷硬内生內外合而為病謂如風寒濕暑熱暍所傷各有先後食飲菜果各有多少內外傳變各有輕重以六經脉併何經何藏以隨所應見活之或表或下或和或收燥潤分利温之屬浮弦實細遲緩宜求此之謂也外邪入裏傷於脾胃上吐下利名為霍亂吐利止後見外證者只作外傷治之外證不已復

傳於裏嘔利再作上下邪甚先吐利裏氣已虛傷寒再傳而又吐利是謂重虛故不可治而歿也先傷寒而為吐利既吐利而再傳傷寒今傷寒卻傳吐利雖曰重虛前後亂經渾濁不已外則難解內則難溫藥餌難為功矣 若飲冷過多或有所傷心下痞腹痛不能食或泄瀉不止若不嘔者化水丹嘔吐者半硫丸右二藥効後服五苓梅瓜等藥不復再飲也

化水丹

川芎

蛤粉

牡蠣粉

右為細末醋糊為丸

半硫丸

此丸古時用今時氣薄不用

硫黃

半夏

並依局方脩製服餌

三寶丹

治積冷暴瀉不止不嗜飲食

硫黃

半夏

牡蠣

各等分

右為細末薑糊丸桐子大朱砂為衣生薑湯下二十九丸空心服此上三藥並有消暑之意

活人發斑諸藥

葛根橘皮湯癩在肌

治冬温未即病至春被積寒所折不得發至夏得熱其寒解冬温始發肌中癩爛穩疹如錦文而欬心悶但嘔吐清汁服此藥即靜

葛根 橘皮 杏仁 知母

黃芩 麻黃 甘草各等分

右剉如麻豆大每服五錢七水一盞半煎去查温服

陽毒升麻湯癩在面

治傷寒一二日變成陽毒或服藥吐下之後變成陽毒腰背痛煩悶不安面赤狂言或見鬼或下利脉浮大數面赤癩癩如錦文咽喉痛下膿血五日可治七日不可治

升麻二分 犀角 射干 黃芩

人參 甘草各一兩

右剉如麻豆大水三升煎取一升半去滓飲一盞頃刻再服以衾覆手足出汗則愈不愈再服

陽毒玄參升麻湯癩在身

治發汗吐下後毒不散表虛裏實熱發於外故身
痲痲如錦紋甚則煩燥譫語兼治咽閉腫痛

玄參 升麻 甘草各等分

右剉每服五錢以水煎去滓溫服

陽毒梔子仁湯

治少陽陽明合病陽毒傷寒壯熱百節疼痛並宜
服之

升麻 黃芩 芍藥 石膏 知母
甘草 杏仁 柴胡 梔子仁等分

右麤末五錢 水一盞生薑五片豉百粒煎至六
分去粗溫服無時

四物解肌湯

芍藥 黃芩 升麻 葛根等分

右以咀每服三錢水一盞煎至七分去滓服內傷
腹中有宿食不得大便而發熱當以食藥去其物
則可便後仍發暑者在表也亦宜解表此皆錢氏
朱氏升麻湯去甘草加黃芩尤妙

潔古老人涼膈散去大黃硝解六經中熱亦治小兒

癰欲發之則加防風荆芥二物尤妙 守真說涼
膈散亦妙大便結小便赤者宜用大小便已通者
不宜也 朱氏錢氏王氏所論皆平易老亦平守
真微涼南北之地法方宜不同也 折中湯液萬
世不易之法當以仲景為祖

金匱要略方

陽毒之為病面赤癰瘰如綿紋咽喉痛
唾膿血五日可治七日不可治陰毒之
為病也面目青身痛如被杖咽喉痛或生與陽毒
同升麻鱉甲湯並主之此王朝奉治陰陽毒升麻
鱉甲湯俱出
仲景祖法

癰瘡豌豆瘡

千金方熱病後豌豆瘡黃連一物煮濃汁服 又好

青黛大如棗水服之差 又法木香一物煮濃汁

服

五物木香湯

治瘡
煩疼

青木香

二兩

丁香

一兩

薰陸香

白礬

各一兩

麝香

右呔咀每服四錢水一盞半煎至一盞去滓溫服
熱盛者加犀角一兩無則以升麻代之輕者去礬

大効

犀角大青湯

大青

三兩

梔子

四十枚

犀角

右咬咀每服五錢入豉半合水一小盞半煎至一

盞去滓服

初虞世云小兒瘡疹之候與傷寒溫

疫相似疑似之間可先與解肌湯大人傷寒中風

溫疫瘡于已發熱未退並可用鮮肌湯 小兒瘡

疹出不快濃煎紫草汁服又牛旁子炒熟為末同

荆芥煎服

消毒犀角飲子

治

牛旁子

荆芥

甘草

右麤末水煎服

錢氏消毒散

牛旁子

荆芥

甘草

右麤末水煎服

王朝奉癩論

發癩者下之太早熱氣乘虛入胃故也下之太遲熱

留胃中亦發癩或服熱藥過多亦發癩微者赤癩

出五灰一生劇者黑癩出十灰一生也皆當用白

虎人參湯一名化癩湯及阿膠大青湯孫兆云兼

醫聖元手卷之三
與紫雪大妙可下者用調胃承氣湯暑月病陽重
常宜體後見微瘰當急治之

阿膠大青湯

大青

四兩

甘草

二兩

右爲麤末每服四錢水一盞半入豉半合煎至一
盞去粗入炙過阿膠二片再至膠消服 華佗方
又主熱病不解下利篤困者又主傷寒熱病十餘
日以上發汗吐下後熱不除利不止瘰出黃疸皆
可療之神効

王朝奉議論并方

陰陽毒不可以常法治之金匱云陽毒之爲病面赤
瘰如綿紋咽喉痛唾膿血五日可治七日不可
治陰毒之爲病面目青身疼如被杖咽喉痛死生
與陽毒同升麻鱉甲湯並主之 千金陽毒湯治
傷寒一二日變成陽毒或服藥吐下後變成陽毒
身重腰脊背痛煩悶不安狂言或走或見鬼或吐
血下利其脉浮大面赤瘰如錦紋咽喉痛吐膿
血者五日可治七日不可治宜升麻湯 陰毒湯

治傷寒初病一二日變成陰毒或服藥六七日已
上至十日變成陰毒身重背強腹中絞痛咽喉不
利毒氣攻心心下堅強短氣不得息嘔逆唇青面
黑四肢厥冷其脉沉細緊數仲景云此陰毒之候
身如被杖五六日可治七日不可治也方一百七
甘草湯

又陰疽湯治傷寒肢節疼痛內寒外熱虛煩者
陰陽毒升麻鱉甲湯

升麻

當歸

甘草

各二兩

蜀椒

去汗一兩

鱉甲

炙

雄黃

半兩研

右呔咀每服五錢水二盞煎至一盞去滓溫服
肘後千金陽疽用升麻無鱉甲有桂陰毒用甘草
無雄黃

陽毒升麻湯 此二藥與活人特異當有別議

升麻

半兩

當歸

蜀椒

雄黃

桂

各一兩

右每服五錢水一盞半煎至一盞去滓溫服覆手
足取汗得吐亦佳

陰毒甘草湯

甘草

升麻各半兩

當歸

蜀椒

驚甲一兩

右每服五錢水一盞半煎至一盞去滓服不一丹

作王朝奉陰陽二毒升麻等湯俱出金匱議論與活人同活陽毒升麻等湯特異用者當擇

陽疽湯二疽方皆出活人大同小異

桂枝湯加黃芩二兩餘同本方加減法 自汗者

去桂加附子一枚 喝者去桂加括蕒根三兩

利者去芍藥加乾薑三兩附子一枚炮 心下悸

者去芍藥加茯苓四兩 虛勞裏急正陽疽湯主

之 若脉浮緊者不可與之

陰疽湯

芍藥

甘草各一兩

乾薑

黃芩各二兩

桂四兩

右每服五錢水二盞半煎至一盞去滓服

治傷寒肢節疼內寒外熱虛煩者

甘草湯治咽痛陰陽毒未較甘草一味五錢水一盞

煎去滓服

沉香連翹散治一切腫毒疼痛欲歎者立止

青木香

沉香

升麻

麝香

乳香

丁香

獨活

桑寄生

連翹

木通

已上各一兩

川大黃

煨五兩

右爲麤末每服三錢水二盞煎至一盞空心熱服半日以上未利再服本方有竹瀝苾硝斟酌處實用之

內化丹

治腦背瘡疽初覺腫硬未有頭腦并諸腫不消始覺便服此藥微利數行其腫免致出膿

南乳香

半兩

沒藥

半兩另研

澤烏

大者水浸一夕炮去皮臍半兩

海浮石

醋淬七次半兩

巴豆

四十九粒去皮不出油

右爲細末將烏頭末餘藥和研勻以浮石醋打麵糊丸如桐子大量虛實加減空心五七丸溫酒下忌熱物

奪命丹

治惡瘡腦疽發背

大黃

切作塊大砂器內盛之攪九

牡礪

一兩

生薑

一兩

沒藥

乳香

各一錢

右爲麤末轉作丸子用好酒一升木炭火熬一沸耗三分用碗盛之夜露一宿早晨去滓空心服之

不可亂傳

治發背瘡方

蒼耳子炒黃擦去其刺再炒深黃不見風碾細末
每服五錢 好熱酒調服食前臨卧

一則用大黃牡礪二則用蒼耳則知有內外之不
同也 前有奪命丹二藥表裏不同何以然乃膏
梁之變脉沉而滑地之濕氣害人皮肉筋脉浮
而滑所以有泄之發之之異也灸法一同與前內
托散論議相通

大補十全散

參芪木茯苓 芍地桂歸川 三五錢秤用

生薑棗水煎 婦人虛弱用 名美號十全

治婦人諸虛不足五勞七傷不進飲食久病虛損
時發潮熱氣攻骨脊拘急疼痛夜夢遺精面色痿
黃脚膝無力一切病後氣不和失精憂愁思慮傷
動血氣喘嗽中滿脾胃氣弱五心煩悶並皆治之
此藥性溫不熱平補有效養氣育神醒志止渴順
正辟邪溫暖

川芎

官桂

芍藥

甘草

黃耆

當歸

人參

白朮

茯苓

熟地

各等分

右麤末每服二大盞水一盞生薑三片棗二枚同煎至七分無時溫服參朮茯苓甘草四君子湯也川芎芍藥當歸地黃四物湯也以其血氣俱衰陰陽並弱天得地之成數故名曰十全散一保命救生丹出十全例

以托散

此方在補虛門

當官人芷桔

芎耆草厚風

可治膏梁變

捕托有神功

本方註云未發者消散已發者早膿兼治時氣服者當求脉之源若其人本虛脉虛宜用此若脉不虛不宜用此反此則害人多矣經云地之濕氣感則害人皮肉筋脉而生疽者宜此藥托之右膏梁之變饒生大疔者不宜用之宜以羌活連翹大黃生地黃湯下之榮氣不從逆於腠理乃生癰腫榮逆血鬱鬱則熱聚為腫正理論曰熱之為過則為

癰腫榮氣不從亦有不熱者乎答曰膏粱之變芳草之美金石之過氣血太盛榮衛之氣充滿而抑遏不能行故閉塞血氣腐而爲癰也當泄之以奪盛熱之氣若其人飲食踈精神衰氣血弱肌肉消薄榮衛之氣促短而滯滯故寒薄腠理閉鬱而爲癰腫也當補之以接虛怯之氣亦當以脉之浮沉別之旣得盛衰之異泄之則連翹大黃補之則內托散之類是也故經云膏粱之變饒生大疔陷脉爲癰留連肉腠此之謂歟 瘡瘍自外而入者不

宜灸自內而出者宜灸外入者托之而不內肉出者接之而令外故經云陷者灸之 灸而不痛痛而後止其灸灸而不痛者先及其潰所以不痛而後及良肉所以痛也 灸而痛不痛而後止其灸灸而痛者先及其未潰所以痛而次及其將潰所以不痛也 聖惠治腦疽發背用陽明藥如犀角麻黃石膏之類以其變在手太陰發渴或相火在中故不用太陽藥只用陽明也 海藏黃耆湯與四物湯相合亦名托裏湯也內加桂沙參尤佳以

其氣血齊補也

易簡胃風湯

治大人小兒風冷乘虛人客腸胃水穀不化泄瀉注下及腸胃濕毒下如豆汁或下瘀血日夜無度

人參

茯苓

川芎

桂

當歸

芍藥

白朮

各等分

右以咀每服二錢水一大盞粟百餘粒同煎七分去滓稍熱服空心食前小兒量力減之此方加熟地黃耆甘草等分足為十味名十補湯大治虛勞

嗽加五味子

有痰者加半夏

發熱加柴胡

有汗加牡蠣

虛寒加附子

寒甚加乾薑

皆依本方等分此須脾胃壯者可服稍不喜食則不可用往往今人只依脾虛停積痰飲發為勞治之服此等藥愈傷胃氣至於不効者比比皆是不可不知也 若骨蒸發熱飲食自若者用大補湯柴胡各二兩分作十服之 人參治氣短茯苓小便利川芎脉瀦弦官桂惡寒當歸脉瀦白芍藥腹痛白朮胃熱濕盛先便後血者血在上也便血

相襍者血在中也先血後便者血在下也

潔古云防風為上使黃連為中使地榆為下使血瘀

色紫者陳血也熟地黃 血鮮色紅者新血也生

地黃 寒熱者加柴胡 肌熱者加地骨皮 此

證乃甲欺戊也風在胃口中上濕泄不止濕既去

盡而反生燥庚欺甲也本無金氣以其甲勝戊虧

庚為母復讐也故經曰亢則害承乃制是反制勝

已之化也若脉洪實痛勝者加酒浸大黃 人參

芍藥桂川芎當歸白朮茯苓七味為麤末薑煎服

之主胃風

人參黃耆甘草三物湯 治瘡瘍發渴

黃耆甘草二物湯治膚痛內加防已為防已黃耆湯

十全散減黃耆甘草熟地黃即胃風湯也內經有

結陰便血一條 初結一升再結二升三結三升

芍藥甘草例

仲景芍藥甘草湯

白芍藥 四兩 甘草

芍藥白補而赤瀉白收而赤散也酸以收之甘以

緩之酸甘相合同補陰血右二味咬咀水三升煮取一升半去滓溫服

甘草乾薑湯 內經曰辛甘發散為陽甘草乾薑以復陽氣

甘草 灸四兩 乾薑 炮二兩

右咬咀如前煎服之

四逆湯

甘草 乾薑 附子

右三味依法煎服

芍藥甘草附子湯 芍藥甘草黃芩湯

甘草一物湯

傷寒類要又甘草一物湯

治傷寒脉代見心悸動危困者

甘草二兩水三升煮取一升半服七合日二亦治

肺癰

仲景灸甘草湯

治傷寒脉結代心悸動此湯主之屬太陽證也

甘草 生薑 人參 桂枝 大棗

麻仁 生地 麥門 阿膠 燻炒熟各等分

右吹咀每服用五錢水一盞半酒一盞煎至八分
去滓入膠盡服

東垣先生芍藥甘草例

芍藥二甘草一湯 脉弦加防風川芎脉洪加黃芩
脉緩加桂枝脉瀦加當歸脉遲加乾薑大便軟加
白朮小便瀦加茯苓 襍病痛服諸藥不効神應
丸

桂苓例

桂苓丸

烏梅肉

一兩

桂

半兩

茯苓

二兩

右焙梅乾桂苓皆忌見火三味同爲極細末煉蜜
丸如雞頭子大每服十丸細嚼白湯送下津嚥亦
可

荔枝煎

烏梅肉

焙乾一兩

乾木瓜

半兩

神麴

七錢微炒

白茯苓

七錢

豆粉

一兩生用

桂

去浮皮淨秤半兩

右麴粉別爲細末餘四味碾極細後入麴粉和勻
煉蜜作挺每挺一兩可作十丸津化下草豆蔻御

方思食丸同

千里漿一名水葫蘆並見集古

木瓜兩半 紫蘇葉 桂去皮各半兩 烏梅肉

赤茯苓各一兩

右為細末煉蜜丸彈子大每服一丸細嚼津化新

汲水亦得

烏梅散治下痢津液少大渴引飲不休

烏梅焙半兩 茯苓去皮一兩 木瓜一兩 法加桂三錢

右咬咀每服五錢七升一盞生薑三片煎至七分

去滓服

紫蘇湯治煩悶口乾多渴咽膈不利手足煩熱

紫蘇葉三兩 甘草五兩 烏梅肉四兩 杏仁一兩去皮尖 鹽五兩

右為細末每服三錢湯點服

大順散此法出桂枝乾薑甘草例

桂 乾薑炮各八分 甘草炙六兩 杏仁八兩

桂苓白朮丸

五苓散內去猪苓加薑硝半夏陳皮糊丸又加黃

連黃蘗為堅中丸

又千里漿

麥門冬

紫蘇葉

木瓜

甘草炙

白茯苓

烏梅肉

杏仁去皮尖
各半兩

川百藥煎一兩

右為細末酒糊為丸如櫻桃大噲化一法去牽牛
蜜丸噲固劑一丸噲之亦名水葫蘆

又方

百藥煎

烏梅

紫蘇

人參

甘草

麥門冬

右各等分為末熱湯點服

荔枝湯

烏梅

甘草

各三兩

白芷

半兩

百藥煎二兩

白檀二錢半

右為末點服

梅葛散

百藥煎

烏梅肉

甘草

各一兩

丁香

右細末點服

桂漿出一斗料例

桂三兩去浮皮

白茯苓去皮

麥門冬半兩

神麴半兩

右四味為細末蜜三斤熟水一斗一法加烏梅

蜜酒

好蜜二斤

水一

細麴二升

好乾酵二兩

右先熬蜜水去華沫令絕冷下酵每日三攪三日

熟

神木湯拾遺

神木加藁本湯

神木木香湯

通治霧露之氣

菩薩散治眼

是神木湯內加荆芥白蒺藜細末塩湯點眼酒亦

可

仲景烏梅丸

治傷寒嘔吐後又用治下利

烏梅三百二十箇

細辛一兩半

乾薑二兩半

黃連四兩

當歸一兩

附子二兩

桂枝一兩

人參二兩

黃蘗二兩

右將烏梅好醋浸一宿去核蒸之五斗米下飯熟杵成泥和藥令相得白中與蜜杵二千下丸如桐子大食前飲下十九日二服加二十九分兩隨證

主治加減 此方當在厥陰條

錢氏芍藥藥皮丸

芍藥 黃蘗

守真藥皮丸

芍藥 黃蘗 黃連 當歸

四信散

黃連 芍藥 乾薑

孫用和治血痢以膩粉五錢定粉三錢同研勻水浸蒸餅為丸棗豆大每服七丸或十九丸艾十枝水一

大盞煎湯下湯多尤佳

古方駐車丸

黃連 六兩 乾薑 當歸 阿膠 各三兩

右以上三味搗篩以三年米醋煮阿膠令消和藥衆手撚丸梧子大每服三十九飲下日三如無三年醋只用醞醋

藥皮湯 治久血甚驗

藥皮 黃芩 各二兩

右以咀每服四五錢水二盞煎至一盞去滓入阿

膠三片再煎膠散服腹痛甚者加梔子一兩小便不利者加茯苓六錢

活人黃連阿膠湯 治熱毒入胃下痢膿血

梔子 黃連 黃蘗

右以咀依法煎服

活人三黃煎艾湯

治傷寒三四日大熱下利熱藥不能止

黃芩 黃連 黃蘗 熟艾

海藏云以上苦寒之藥元病不經內傷冷物者宜服

亦當察人之虛實及以脉別之

經曰脾脉外鼓沉為腸澼久不已外鼓謂動於臂外

也 肝脉小緩為腸澼易治肝脉小緩為乘肝故

易治 腎脉小搏沉為腸澼下血小為陰氣不足

搏為陽氣乘之熱在下故下血也 血溫身熱者

死然血溫身熱陰氣喪亂故死 心肝澼亦下血

肝臟血心養血故澼皆下血也 右二臟同病者

可治心火小木火相生故可治 其脉小沉瀯為

腸澼心肝脉小而沉瀯者澼其身熱者是火氣內

絕去心而歸於外也故歿火成數七故七日歿

仲景治痢紫參湯

紫參斤半 甘草二兩

右以水五升煮紫參取汁二升入甘草再煎去一升分作三服放溫服之

扁鵲云若衄血吐血脉當沉細若反浮大而牢者死叔和云衄血吐血沉細宜忽然浮大命傾危經云泄脫血而脉實若遇於此皆曰難治 又云血溫身熱者歿

單黃連加減例當在手少陰條下以其利在腸胃故列於此

加豆蔻木香為豆蔻香連丸 加陳皮為栢連丸

加訶子木香為小香連丸

黃連 加黃蘗為二聖丸 加木香白附子為白附香連丸

香連丸 加榆仁為榆仁丸 加阿膠茯苓

為阿膠丸 加阿膠乾薑當歸為駐車丸

牛蒡子根散國醫孫用和傳

治汗不流古方罕言之此是汗出時蓋覆不週汗出不勻以致腰背手足攣搐

牛蒡根二十條 麻黃二兩 牛膝二兩 天南星二兩

地龍二兩

右牛蒡根去皮切并諸藥入砂盆內研細好酒一升同研爛新布取汁後用炭火燒一地坑子內通紅去炭掃盡藥汁內坑中再以火燒黑色將出於乳鉢內細研每服半錢溫酒調下日三服用和親患三年服之効

玄胡丸 海藏評解利傷寒丸藥雜例並本方注後

玄胡 當歸 青皮 陳皮

三稜 廣茂 木香 乾薑 另研為細末各半兩

雄黃 二錢研粉入薑末同研

右醋糊丸桐子大每服三二十九丸白湯下解利內外傷詩曰

玄歸三廣木 青陳薑與黃 醋糊丸桐大 偏宜內外傷

紫霜丸

治傷寒溫壯內夾冷實或已得汗身熱不除及變蒸發熱日久不解因食成癩俗呼為食迷風

代赭石 火燒醋淬 赤石脂 右未各一兩 巴豆 三十箇去皮臍炒研

杏仁 五十箇去皮尖麵炒另研

右用研勻湯浸蒸餅為丸黃米大小兒初生三十日以外可服一丸半歲一年二年可用三丸乳下

米湯亦得

無名丸 解內外與四生例相似在半夏例條下

貫衆 茯苓 代赭石 各一兩醋淬

自然銅 三兩三錢醋淬九遍 寒水石 燒成粉四兩

黑豆 去皮研細四兩

右件為細末小麥麵為丸菉豆大生薑湯送下二十五丸

此藥不知來例別無解例味數止是貫衆治頭風有毒解毒大抵解疫癘毒氣則效非若古法之分經也 本草云代赭石苦甘寒主鬼疰賊風自然銅辛平無毒療折傷散血主痛 貫衆治頭風 半夏治傷寒寒熱巴豆辛溫主傷寒溫瘧寒熱鼓煎亦解利 此三藥雖云治傷寒止治因內感而發出之外多效若外感一日太陽受之不宜

用此不知藥性者不可執此解利外感此藥大抵
止治內不能行經若欲行經非湯液不能也 代
赭石自然銅二味兼以醋淬煅以苦酒與火力同
能上行故解利也 若以代赭自然二石以性論
下行之體無疑更當詳紫霜丸主治傷寒溫壯內
夾冷實一句只知無名體也

天麻朱砂丸

治內
外傷

天麻

一兩

雄黃

半兩

朱砂

二錢

巴豆

去皮膜油半

兩約二百粒

右為細末蠟和作錠子旋丸如黍米大每服三五

丸溫酒白湯送下俱得食後 玄胡丸內有雄黃

乾薑苦酒與此一體 本草云雄黃味甘治百節

中大風所以解利

安先生傳易老解利二藥

狼毒

大戟

草烏頭

生用各
等分

右為細末醋糊丸桐子大每服五七丸或十丸溫
水下

解利傷寒喘藥

乾山藥

藜蘆

連鬚
一錢

右爲細末紙撚啗之

楊氏內解丸

芫華

紅藥各等分

右爲細末生用醋糊丸如棗豆大溫水下一丸少頃以葱醋米湯投之無時

四生丸

天南星

半夏

芫華

自然銅

各等分

右爲細末醋打蕎麥麩爲丸棗豆大酒積痰飲飽脹腹滿食飲不消五丸臨卧溫水下忌熱物

傷寒時疾豆豉湯下十五丸三服解心氣大痛溫醋湯下



醫學書二天卷三

